

Naalakkersuinikkut Ataqtigiissaarisoqatigiit ataasinngornermi 6. juni 2016 nal: 10.00 – 13.00
Naalakkersuisut ataatsimiittarfianni oqarasuaatikkullu ataatsimiinnerannit imaqarniliaq.

Naalakkersuisuniit peqataasut:

Naalakkersuisut Siulittaasuat, Kim Kielsen
Aningaasaqarnermut Aatsitassanullu Naalakkersuisoq, Randi Vestergaard Evaldsen
Ineqarnermut, Sanaartornermut Attaveqaqatigiinnermullu Naalakkersuisoq Knud Kristiansen
Inuussutissarsiornermut, Suliffeqarnermut, Niuernermet Nunanullu Allanut Naalakkersuisoq, Vittus
Qujaukitsoq, Pisinnaajunnaarluni nalunaarpoq
Aalisarnermut, Piniarnermut Nunalerinermullu Naalakkersuisoq, Nikolaj Jeremiassen
Ilaqutariinnermut, Naligiissitaanermut, Isumaginninnermut Inatsisinillu Atuutsitsinermet
Naalakkersuisoq, Martha Lund Olsen, Pisinnaajunnaarluni nalunaarpoq
Peqqissutsimut Naalakkersuisoq, Doris Jakobsen
Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoq, Nivi
Olsen
Pinngortitamut, Avatangiisinut Nukissiuuteqarnermullu Naalakkersuisoq, Mala Høy Kúko

Kommuninit KANUKOKA-miillu peqataasut:

Kommune Kujallermi borgmesteri Jørgen Wæver Johansen, oqarasuaatikkut
Kommuneqarfik Sermersuumi borgmesteri Asii Chemnitz Narup
Qeqqata Kommuniani borgmesteri Hermann Berthelsen, oqarasuaatikkut
Qaasuitsup Kommuniani borgmesteri Ole Dorph, oqarasuaatikkut
KANUKOKA-p siulittaasua Palle Jerimiassen, oqarasuaatikkut

Allaffeqarfimmit peqataasut:

Naalakkersuisoqarfimmi pisortaaneq Søren Hald Møller
Naalakkersuisoqarfimmi pisortaaneq Nikolai S. Christensen
Naalakkersuisoqarfimmi pisortaaneq Jørn Skov Nielsen
Naalakkersuisoqarfimmi pisortaaneq Julie Præst Wilche
Naalakkersuisoqarfimmi pisortaaneq Jørgen Isak Olsen
Naalakkersuisoqarfimmi pisortaaneq Mette Skaaregaard Pedersen
Naalakkersuisoqarfimmi pisortaaneq Lone Nukaaraq Møller
Naalakkersuisoqarfimmi pisortaaneq Jørgen T. Hammeken-Holm, peqataaniarnani nalunaartoq.
Naalakkersuisoqarfimmi pisortaaneq Michael Kristensen
Immikkut suliassaqartitaq Peter Hansen, imaqarniliortoq
Immikkoortortaqarfimmi pisortaq Martha Abelsen
Allaffimmi pisortaq Marianne Petersen, imaqarniliortoq
AC-fuldmægtigi Ole Christiansen
Immikkoortortaqarfimmi pisortaq Ruth Lindhardt

Kommunaldirektør Frank Hedegaard Jørgensen, oqarasuaatikkut
Pisortaaneq Steffen U. Lyngge
Aningaasaqarnermut pisortaq Lars Møller Sørensen, oqarasuaatikkut
Kommunaldirektør Paneeraq Olsen
Kommunaldirektør Hans Eriksen, oqarasuaatikkut
Pisortaagallartoq Bjarne Petersen
Aningaasaqarnermut siunnersorti Klaus Møller

Ullormut oqaluuserisassat:

**1. Oqaluuserisassatut siunnersuutip, kingullermillu ataatsimiinnermit imaqarniliap
akuersissutigineqarnerat (ilanngussaq 1)**

Naalakkersuinikkut Ataqtigiissaarisoqatigiit aalajangerput ullormut oqaluuserisassat ataatsimiinnermillu kingullermit imaqarniliaq iluarsiissutitalik immikkoortoq 3.2.1-mi taamatutaaq Narsaq kommuniujuunaareersoq, kisiannili illoqarfik Narsaq pineqartoq, aamma Tasilamut tunngatillugu allanneqassasoq Naalakkersuisoqarfiit akunnerminni suleqatigiissasut inissianik amigaateqarneq,

atornerluineq, suliffissaaleqineq aamma meeqqanik atornerluisarneq aaqqiiviginiarlugit suleqati-giissasut, akuersissutigineqassasoq.

2. Immikkoortut akuersissutigisassat

2.1. Qaasuitsup Kommuniata avinneqarnissaa pillugu BDO aqutugalugu naliliisarluni misis-suineq suliallu ingerlaqqinnissaa (ilanngussaq 2)

Ole Dorph oqaaseqarpoq kommunimik avitsissamaarnerup suliarineqarnissaanut paasineqarnissaanullu nalunaarusiaq pitsaanerusunik tunngavissiisoq kommunalbestyrelsimit tamakku suliarineqarnis-saannut atorneqarsinnaasunik aamma suliap siuariartornissaanut tamakku pingaaruteqartut. Taamatuttaaq Ole Dorph-ip tikkuarpaa nalunaarusiami inuussutissarsiornermut tunngasut nalunaarusiami annertunerusimasariaqaraluartut, tassami kommunimi iluaqutigineqanngitsunik periarfissaqarmat takornariaqarnermut aalisarnermullu tunngatillugu aningaasartuutaanerusussanik allaaserineqartunut aningaasaliissutaasinnaasunik.

Hermann Berthelsen aamma Jørgen W. Johansen oqaaseqarput tamanna aaqqiissutissat akikinersarissagaat, kommunimmi tamarmik avitsinermik ataatsimoortumik tapiissutigut sunnerneqartussaammata aamma kommuninut suliaassanik nussinermik sulineq tamakkerlugu sunnersinnaammagit.

Asii C. Narup-iup isumaqarpoq ataatsimut isiginnilluni innuttaasunik paasisitsiniaasoqarnissaa kissaatiginartoq avitsinermi tamanut sunniuttussaammat aamma avitsinerup kinguneri-sariaqanngimmagu Namminersorlutik Oqartussaniit suliaassanik nussinerup unittoortinne-qannginnissaa.

Kim Kielsen oqaaseqarpoq tassaammat kommuni qanorluunniit pisoqaraluarpat avitsinermut nammineerluni akiliisussa.

Aalajangiineq:

Naalakkersuinikkut Ataqtigiissaarisoaqtigii inassutigineqartut aalajangiippat Qaasuitsup Kom-muniani kommunalbestyrelsi BDO-p naliliisarluni misissuinerup suliarissagai Naalakkersuisunul-lu inassutiginiarlugu naggataatigut Inatsisartunut aalajangiiffigisassatut siunnersuummik nassius-saqartussanut.

2.2. 2017-imut ataatsimoortumik tapiissutit piareersarnissaat - sanaartortitsinerni suliaassat tunniunneqarnissaannut tunngavigineqartussanut siunnersuut, taakkununga ilanngullugit suliaassanik tigussaasunik kommuninut tunniussinissap piareersarnissaa - 31. december 2016-ip tungaanut suliap ingerlaqqinnissaanut isummernissamut tunngavissiap akuersissutigine-qarnera (ilanngussaq 3)

Ataatsimut isigalugu tunngavigineqartussatut siunnersuutigineqartut isumaqatigineqarput.

Jørgen W. Johansen taakkununga tapiliussivoq suliaassanik tunniussineq aningaasalersussagaanni allaffissornikkut aqutsinermut tunngatillugu aningaasaqarnikkut kingunerisassaasa ilanngunneqarnissaat pingaaruteqarmattaq. Taamaammat sanaartornermut aningaasaliissutit taakkuinnaallutik nuunneqassanngillat kisiannili aammattaq kommunit taamaaliornikkut saniatigut allaffissornermut aningaasartuutissaat eqqarsaatigineqassallutik.

Knud Kristiansen oqaaseqarpoq ineqarnermut tunngassuteqartunik nuussinerit pitsaasunik tunngavissaqarluni pinissaat aamma immikkoortunut pilersaarutit suliarineqareersut malinneqarnis-saat pingaaruteqarmat. Assersuutissatut taaneqarpoq Nanortalimmut immikkoortumut pilersaarut.

Jørgen W. Johansen immikkoortumut ilanngussilluni oqaaseqarpoq Kommune Kujallermi isumaqarlutik KANUKOKA isumaqatiginninniarsinnaatitaalluni sulii kommunit kattuffiusoq aamma isumaqannginnami kommunit AIS 2017-imut tunngatillugu ataatsimoortumik tapiissutinut isumaqatigiissummi sipaarniuteqartussanngortinneqassasut, Namminersorlutik Oqartussat sipaarniartussaagaluarpataluunniit.

Aalajangiineq:

Naalakkersuinikkut Ataqtigiissaarisoaqtigii aalajangiippat inassutigineqartut akuersissutigine-qassasut imaalillugu tunngavissatut kaammattuutigineqartut sanaartornermut tunngassuteqartuni

suliassat tunniunneqarnissaannut taamatullu suliassat nuunneqarsinnaanerannik sulinerup ingerlanissaanut pilersaarutaagallartut tunngavissatut akuersissutigineqassasut.

2.3.

2.4. Suliffiit nuunneqariaannaanerit pillugu borgmesterit siunnersuuteqartut pingasuusunit oqallissaarutit (ilangussaq 4)

Naalakkersuinikkut Ataqtigiissaarisooqatigiit sammisaq oqallisigaat Naalakkersuisullu oqaatigaat nunarput ataasiusutut isigineqassasoq innuttaasullu taamatutaaq sullinneqarlutik. Borgmesterit siunnersuuteqartut pingasuullutik maluginiarpaat BDO-p nalunaarusaata ulloq 16. februar saq-qummiunneqarneraniit taamaallaat ullut pingasut qaangiunnerini suliamaat kisitsisillu nalunaarusiamiittut tutsuiginartuunatik. Taamaamat taakku pingaarnersiorneqarusuttut pitsaassusissaat suleriaqqinnerup ilaattut isumannaarneqartariaqarpoq. Taamaallutik kommunit periarfissaqalisapput kisitsisit sumi ilumoortuunnginnersut nassaarisimanerlugit nassuaateqarnissaminut.

Kommuneqarfik Sermersooq pissaanerup pingasoqiusaane ataqqigaa taamaammallu Naalakkersuisut suliassaqrifiisa inissinneqartarnerannut akisussaasut.

Borgmesterit pingasuullutik siunnersuuteqartut kissaatigaat suliassat iluarsartuunneqartariaqartut 2017-imut Aningaasanut inatsisissap aamma 2017-imut Ataatsimoortumik tapiissutissat isumaqtigiinniutigineqarnerata suliareqarnerannut atatillugu ilangunneqarsinnaanngorlugit.

Kim Kielsen aamma Randi Vestergaard Evaldsen oqaaseqarput eqqaamaneqartariaqarmat Namminersorlutik Oqartussat maannakkorpiaq nukinginnartunik suliassaqrarmata, ilaatigut aningaasanut inatsisissatut siunnersuummik aamma ataatsimoortumik tapiissutinut isumaqtigiissutissamik piareersaallutik. Suliap sukumiisumik suliareqarnissaa atorfissaqartinneqarpoq tassami ilaatigut aningaasaqarnermut tunngatillugu annertuunik kinguneqaratarsinnaagami soorluttaaq suliffinnik nuussisoqassagaluarpat sullissinerup qaffasissusiata ingerlaannarissaa isumannaassallugu pingaaruteqartoq.

Hermann Berthelsen isumaqarpoq kommunini Namminersorlutik Oqartussanut sanilliullugu ataavarnerusumik ingerlasoqartoq taamaalluni nuussinermi suliassat illersorneqarsinnaasumik aaqqiivigineqarnissaannut tamanna iluaqutaassalluni aamma KANUKOKA-p allamut nuunneqarnera uuttuutitut atorneqarsinnaanngitsoq tassami Kommuneqarfik Sermersuup tungaaniit ilaasortaajunnaarnerup malitsigisaanik suliareqartartut annikillinerat tamatumani pineqarmat.

Aalajangiineq:

Aalajangiunneqarpoq suleqatigiissitamik pilersitsisoqassasoq suliassarititaasunullu missingiut qaammat julip naalernerani akuersissutigisassanngorlugu piareersimassasoq. Taanna tunngavigalugu suleqatigiissitap tulliullugu sularissavaa Naalakkersuinikkut Ataqtigiissaarisooqatigiit tulliani ataatsimiinnermi isummernissaannut tunngavissiorneq.

3. Ilisimatitsissutit

3.3. Allakkatigut ilisimatitsissuteqaqtigiinneq - iluarsaaqqinnermi suliassat killiffiat pilersaarutillu pillugit (ilangussaq 5)

Ataatsimut isigalugu allakkiaq isumaqataaffigineqarpoq, kisiannili tassunga ilangullugu imatut oqaaseqarfigneqarluni:

Jørgen W. Johansen-ip kommunini inissianik piginneqatigiilluni ingerlatseqatigiiffissat aamma pingitsoorani soraarnerussutisassanik ileqqaartarnissaq pillugit iluarsaaqqinnermik suliassat pillugit pilersaarutit allaaserineqarsimasut tapersorsorpai.

Tamakku saniatigut Jørgen W. Johansen-ip oqaatigeqqippaa isumaqarluni kommunit ataatsimoortumik tapiissutitigut pisortat ileqqaarnissaannut peqataassasut, naak Namminersorlutik Oqartussat ileqqaartussaagaluartut.

Asii C. Narup eqqaasitsivoq kommunit missingersuusiortarnermi suleqatigiittarnissaq pillugu isumaqtigiissummut 2014-imeersumut atsioqataasimammata taamaammallu ataatsimoortumik tapiissutissat pillugit isumaqtigiissutissap isumaqtigiinniutigineqarneranut peqataasussaallutik. Naalakkersuinikkut Ataqtigiissaarisooqatigiit ilisimatitsissut tusaatissatut tiguaat.

4. Tamalaat aamma tullianik ulloq xx. oktober 2016-imi ataatsimiinnissamut siunnersuut

Asii C. Narup ilisimatitsissuteqarpoq ERP-mik sulineq ingerlanneqaleruttormat aamma suleqatigiissitamik / aqutisioqatigiinnik pilersitsisoqarsimammat neriuutigiginilu piffissalersuinermit pilersaarut akuersissutigineqarnermisut eqquutsinneqarumaartoq.

Kim Kielsen aperivoq KANUKOKA qanoq ingerlanersoq. Palle Jeremiassen akissuteqarpoq maannakkut sulisut sisamat kiserngorussimasut naatsorsuutigiginilu sapaatit akunnerani uani siulersuisunik ataatsimiigiqqusisoqarnissaa. Sulisut taakku sisamat Maniitsumut nuukkusunngilat, taamaammat KANUKOKA aallarteqqinniarlugu aallaqqaataaniit sulisoqartariaqassaaq.

Hermann Berthelsen kissaateqarpoq ataatsimiinnernit imaqarniliat sapinngisamik piaartumik nasiusuunneqartassasut, taamaalillutik tamakku isummersorfigineqarsinnaassagamik ataatsimiinneq eqqaamalluarnarani.

Naatsorsuutigineqarpoq oktoberimi ataatsimiittoqarsinnaassasoq. Naalakkersuisut pisinnaapput tassami Inatsisartut ataatsimiinnerannik pissuteqartumik Nuummiittussaagamik. Allaffissornikkut aqutisioqarfiup kommunit KANUKOKA-lu suleqatigalugit ulloq sunaassanersoq paasiniassavaa.

Ataatsimiinneq naammassivoq: Nal: 13.00